

Alloa

Wonn'st jede Wocha zum Stommtisch gehst,
zum Kort'nspü'n, red'n und bled'In,
und wonn'st di woifühst dabei,
donn moast, du bist net alloa.

Wonn'st an echt'n Frend host,
den'st wirkli guit kennst,
mit dem'st ois bered'n kost,
donn moast, du bist net alloa.

Wonnst Kina und Enkel host,
de zu dir kemman mit enare Sorg'n,
de da höfan, jed'smoi wonn'st as brauchst,
donn moast, du bist net alloa.

Wonn'st koan Mensch'n mehr host,
mit dem'st jed'n To z'somm'sitzt beim Ess'n,
mit dem'st auf d'Nocht schlofa gehst,
wieda aufstehst in da Friaht,
zu dem'st du g'herst und der g'hert zu dir,
donn bist trotzdem alloa,
gonz alloa.

Oktober 2024